

48414

الكتكوت الحلو الشاطر

ديوان للأطفال

شعر

أحمد الخطيب

دار روعة للطبع والنشر والتوزيع
الطبعة الأولى ٢٠١٣

~١~

"الكتكوت الحلو الشاطر"

شعر
أحمد الخطيب

غلاف / محمود عمران

الطبعة الأولى ٢٠١٣

دار روعة للطبع والنشر والتوزيع
المدير العام / هبة الشرقاوي
موبايل : ٠٠٢٠١١٤٠١٧٨١٤٤٤

darrawaa@yahoo.com

رقم الإيداع: ٥٣٢٠/٢٠١٣

الترقيم الدولي:

978-977-6411-28-9

الكتكوت الحلو الشاطر

~٣~

~ε~

الإهداء

" إلى روح وقلب وعقل بابا "

توته

.....

~٥~

~6~

جدو يا جدو

جدو يا جدو
عايزه اسمع منك حدوته
جدو يا جدو
بس تكون أجمل حدوته
- كان فيه بنت اسمها قطقوطه
ورقيقه و زى البسكوته
تكتب لما بتيجي واجبها
وقت الصلاة بتقوم وتصلی
واما باباها يقوم يلاعبها
تحضن فيه وتبوسو تملی
عارفه کمان دی بتعمل ايه ؟
-قوللی یا جدو بتعمل ايه
بتحب تغمیلو عنیه
-قوللی یا جدو وکل ده لیه
طیب حاضر أنا هاحکيلک

لما أروح مشوار وأجيك
-لأ دلوقتي مش هتروح
لأ بعدين أنا لازم اروح
- طيب أنا زعلانه يا جدو
ومخصماك ليومين اتنين
- حد يخاصم جدو حبيبو
بعد ماكان الروح والعين
أنا مش هقدر أزعل عيني
ولا هقدر ماحكيش حدوته

الكتكوت الحلو الشاطر

الكتكوت الحلو الشاطر
بيقوم يغسل وشه الصبح
وبيتوضا يصلى الصبح
وبيوس على إيد ماما وبابا
ويحب اخواته الكتاكيت
ماما تجيب له الأكل و ياكل
واما يخلص أكله يقوم
يحمد ربه و يغسل إيده
هو وكل اخواته معاه
ويساعدو مامتهم فى البيت
الكتكوت الحلو الشاطر
بيحب اخواته الكتاكيت
الكتكوت بقى حبه بحبه
عمال يكبر يوم ورا يوم
الكتكوت الحلو الشاطر

أصبح اكبر ديك اليوم
وبيرعى ولاده الكتاكيت
وأول نور الصباح ما يجى
يجرو عليه
إلى ييوس على خده ييوسو
واللى بسرعه ييوس ف إديه
علشان هو وهو صغير
كان بيحب ييوس إيد ماما
ويسمع كل كلام يقوله

وعشان قلبه ابيض وكبير
الكتاكيت بقويحبوه
وأما الليل بيقرىجى
ينده ليهم
ويدفيهم
ويغنيهم
ف الحواديت ويقول ليهم
الكتكوت الحلو الشاطر
بيحب اخواته الكتاكيت

نم نم

كان فيه مره ف يوم صياد
طلع الغابه عشان يصطاد
فجاه ف يوم
طلع النمر عليه يا ولاد
قال انا هاكلك يا بن الأيه
رد وقال له
هو انا كنت عملتلك ايه ؟
ده انا صياد غلبان مسكين
رد النمر وقال غلبان ؟
إنت أكيد بقى خايف منى
علشان كده عامل مسكين
شكلك بقى كده خايف منى
بص لنفسك ده انت رفيع
وانا أكبر منك وطخين
إنت مفكر راح تغلبنى

يالا تعالا وقرب منى
وانت هتعرف
مين راح فينا هيغلب مين
الصياد راح قال له موافق
بس ضرورى أروح البيت
أكل حبه و بعد شويه
هارجع لك وبسرعه أجيك
رد النمر وقال له ياريت
روح وتعالا انا مستنيك

الصياد راح قال له يا نم نم
ممكّن تمشى وتجرى بعيد
رد النمر وقال له لا يمكن
انا مش ممكّن أمشى بعيد
وان كان عندك حبل اربطنى
وحط فى إيدى كلبش حديد
قام راح ربطه فى شجره كبيره
وقاله خلاص هنا بقى خليك
إيه بقى رأيك يا سيد النمر

شوفت ازای بسهوله غلبتک
واتغلبت بسرعه عليك
وکمان شوفت ازای بالعقل
مش بالجسم قدرت عليك

القطه والغار

كل ما بكبر يوم عن يوم
لازم ابص واشوف واتعلم
كل ما اعدى الشارع يوم
وقت ما اشوف الغلط اتكلم
كنت بعدى الشارع يوم
شوفت القطه من البلكونه
بترمى الورقه ف بيت الغار
والغار ساكن فى البدروم
أما القطه دى كانت فوق
خاصم القطه وشال الورقه
وراح ورماها
زى الشاطر فى الصندوق

~16~

جدو رؤوف

جدو رؤوف كان عنده خروف
وخروف وخروف
وكمان كلب لطيف وجميل
ديله طويل ملفوف ملفوف
مره ف يوم
كده وقت النوم
نط عليهم عمو الديب
بعد ما نامو وطفو النور
علشان ياكل أحلى خروف
شافو الكلب ونط عليه
ضربه وعضه وغمى عنيه
والخرفان بقرونها بتيجي
تجري بسرعه وتنطح فيه
واما سمعهم جدو رؤوف
قام من نومه وقال فيه إيه؟

قام الديق راح عيط حبه
قال حرمت يا جدو رؤوف
قام راح جاب الحبل و ربطه
والديق لونه صبح مخطوف
قالو خلاص حرمت يا جدو
رد وقال له شجعتك فين
_ اخر مره سامحنى يا جدو
أنا هاديك درس ودرسين
وبعد ما جدو رؤوف راح حبسوه

قام راح مدي الكلب هديه
وعضمه كبيره وجاكت صوف
وكتاب يقرأه للتعليم
وادی كمان من عنده هديه
كل خروف حزمة برسيم

الفلاح الراحل الطيب

الفلاح الراحل الطيب
ويا حماره
بإديه دايمًا
ماسك فاسه
و سايب داره
وكل الناس
علشان يزرع أرض بتطرح
كل ما يضرب فيها الفاس
يرمى البذره
ويجيب حبة ميه ويسقى
يسقى ويسقى
لحد ما تطرح شجره كبيره
وياكل منها كل الناس
إلى يحب الأرض تحبه
وزى ما يديها هتديه

وياكل من خيرها التفاح
يلا سوي يا ولادى هندعي
ربي يخلي لنا الفلاح

قرد قرودی

قرد قرودی
بیضرب دودی
یخطف منها
ویقول حاجتی
هی تعیط
وتقول ماشی
أنا هاشکیک
للأبله بتاعتی
قرد قرودی ولا قردین
شقی وشقاوته
کمان ضعفین
یطلع ینزل
ینزل یطلع
فوق الشجرة
یحیب الموز

يضرب يقلب
وبيتشقلب
ع الحيلين
زى الأرجوز
و يوقع يديه الكوز
و يغرق كل القاعدين
يحدف قشر الموز
فى الشارع
و يوقع راجل مسكين
قامت الأبله بتاعته قالت له
مش هاديك النجمه الحلوة
ولا الأرجوز

عمو الفيل القاضى

أرنب كان زعلان مع اخوه
راحو لعم الفيل القاضى
أول واحد فيهم قال
بص ياعم الفيل اسمعنى
— قول واتكلم سمعك يابنى
أنا زعلان من اخويا عشان
كل شويه
بياخد منى اللعبه ويجرى
وبيكسرهما وبيقول عادى
ينفع كده أه يا عمو القاضى؟
واما الثانى جاله وقال له
بص ياعم الفيل اسمعنى
— قول واتكلم سمعك يابنى
قالو ياعم الفيل اسمعنى

أنا مقصدتش ازعل اخويا
وازاى اخويا ويزعل منى
كل ما اقول له تعالا أقولك
بيقول أبعد أنا مش فاضى
ينفع كده أه ياعمو القاضى
رد الفيل القاضى عليهم
بعد ما طبطب إيده عليهم
إوعو ف يوم انكو تتخاصمو
إنتو اصحاب واحباب و اخوات
قومو اتصلحو يالا بسرعه

وانا هاديلكو لعب وحاجات

بابا أوبح

بابا أوبح يا لا سيل
— أنا لا أظن بأننى فيل
بابا يلا نمسى باي
— أنا لا أوافقك الرحيل
بابا عايزه امبو و مم
— الماء ليس بسلسبيل
بابا سايف بطنى يح
— إرحمى جسدى العليل
بابا قطه حب فار
— إبتنى أين الدليل ؟
بابا هات عربيه قطر
— إركبى جملى النحيل
بابا قطه جايه عض
— لا تقلقى نابى طويل
بابا بوسه خده عينه

— هذا طريق مستحيل

بابا حبك قد بحر
— أغرقنى هذا يا جميل
بابا عايزة ربع قس
- المال يوصف بالقليل
هو بح خلاص مفيس ؟
- هذا من زمن طويل
بابا وحسه كتير بخيل
- هل هذا رد للجميل؟!

تعلب تعلوب التعاليبي

أنا فرخه
وبقول كاككاك
وده تعلب
مكار مكار
تعلب تعلوب التعاليبي
بيجيني يقول لي انت حبيبي
ويقول لي اصحابك وحشين
وتعالى وسبيك م الديك
وانا اجيب لك سكر وفريك
وهاجبلك ويايا خضار
وانا ديكي مسكين مسكين
على طول كده
تعبان وناسيني
ولا كان بيودي ولا يجيب

ولا عارف حتى يغديني
واعمل ايه أنا أعمل ايه
لما حلف لى التغلب سييته
وروح عليه
أنا روح عليه
ومشيت وياه المشوار
واما أكلت السكر عنده
قاللى انا داخل حبه أنا
حبه وجانى يسن سنانه
وقال انا هاكلك هم يا هم
واكل وياكى الكتاكي
قمت قوام زقيته بإيدى
وطلعت أجرى لحد البيت
واتأسفت لجوزى الديك
وكمات بوس إديه وعنيه
و هو سامحنى
عشان انا برضوه
عمره ف يوم
ما كدبت عليه

دبدوب

دب و دبذب يا دبدوب
قوم قوم و اصحى وفوق
على طول كده
دبدوب كسلان
تصحى وترجع تانى تنام
قوم قوم
قوم وكفايه يا خم النوم
قوم واتوضا وصلى وصوم
وانت هتبقى نشيط وجميل
وتعيش بين الناس محبوب
حوش حوش
وجبك سايبه وماكتبتوش
حوش حوش

قلمك سايبه وما برتهوش
اللبىكتب واجبه نجه
ونجيب ليه الحاجه الحلوه
ويعيش بين الناس محبوب

خروف يا خروف

خروف يا خروف
يا ابو جاکت
صوف
قرب خد من
إیدی البرسیم
خروف يا خروف
ما تیلانشفوف
وهتعارف مین
راح یغلب مین
أنا لیا إیدین
ومالیش قرنین
ومعایا اقلام
تکتب ف حروف
أنا مخی کبیر
علم وتفکیر

وَبَعْدَ لَحْدٍ
كَمَانِ عَشْرِينَ
بِرْسَمِ عَصَافِيرِ
وَفَرَاشِ بَيْطِيرِ
وَكِتَابِي جَمِيلِ
بِقَوْلِكَ شَوْفِ

ویکا

ویکا یا ویکا یا ویکا یا ویکا
جوا الشنطه حاجات مزیکا
قلمی وکراستی وبرايتی
والمسطره جمب الأستیکه
قلمی ف يوم قال للأستیکه
لیه عماله بتمسحی حرفی
ردت قالت بص یا ویکا
لما هتکتب حلو هاسییک
ولا يوم تانی ف مره أچیکا
قلمی ف يوم قال للبرایه
کل یومین انا بقصر حبه
حبه بحبه بحبه یا ویکا
مالقیش عندك حل عشان
أفضل کده عایش زیکا ؟

ردت قالت لأ مش عندي
بس أوعاك كده تقلق مره
لما هتقصر حاجى بسرعه
قوام و ابريكا

الأراجوز الكداب

أنا أراجوز لابس طعبوت
صوتى جميل حلو صغنتوت
واما بغنى وأقول توت توت
كل الناس بتجبنى موت
ويتمنو نكون أصحاب
-الأراجوز كداب كداب
لا بيعرف عربى ولا حساب
-لأده انا شاطر واشطر منكم
واعرف أقول و أقول وأقول
مين هيقوم فيكم يسألنى
وانا راح اجاب
ليه على طول
-عندى سؤال يا سيدى الأراجوز
موزه و موزه وتفاحتين

يطلعو كام ؟
-يطلعو كام ؟
-يطلعو فوق على بوئى قوام
واكل وياهم بسكوت
وأحلى بمانجا وعناب
-الأرجوز كداب كداب
لا بيعرفعربى ولا حساب
لأده انا شاطر واشطر منكم
واعرف أقول و أقول وأقول
مين هيقوم فيكم يسألنى
وانا راح اجاب
ليه على طول
-عندى سؤال يا سيدى الأرجوز
حرف الميم والصاد والراء
يطلعو إيه ؟
-يطلعو حبه وينزلو حبه
أقصد حبه بحبه وحبه
لحظه ثوانى
هى خلاص على طرف لسانى

ها يا أمانى ؟
قوللى معايا تقصدي إيه ؟
هو مش احنا انا وانتى أصحاب
-الأرجوز كداب كداب
لا بيعرف عربى ولا حساب

~ 28 ~

فول مدشوش

فوله وفوله وفول مدشوش
يا سلام على شعره المنكوش
يا قميصه
يا ابو جيب مقطوع
يا حلاوه
بتلّزق فى الأيد
وعليها السكر مرشوش
ابره وابره وفتله وخيط
خطى الخطوه مع الكتاكيت
نفسى تسرح شعرك مره
وما تمشيش بقميص مقطوع
أحسن اجيب لك ماما الغوله

-يلا هاتيها
وانا اكلها الكزبالفوله

-شوكلاته
فى حته بسكوت
سكر
بودره و مع فتافيت

ما تبهدلش هدومك تانى
واوعى توسخ تانى إيديك
أحسن اجيب لك ماما الغوله
-يلا هاتيها
وانا اكلها لك زى الغوله

كام تفاحه

ماما جابت لنا تفاحتين
و كمان جابت
بعد يومين تفاحه عشاني
يطلعو كام يا ولادي قولولي ؟
مين هيقوللي
وانا هديه حته شيكولاته ؟
-أيوه يا أبله
هبيقو ثلاثه
- بعد شويه كمان حطينا
فوقهم خمسه
يطلعو كام يا ولاديقولولي ؟
-بيقو تمانيه
-شيلنا اتنين جو التلاجه
حد يقولي هيفضل حاجه ؟
- أيوه يا أبله هيفضل سته

- روحنا مسكنا الستة وجينا
وقسمناهم
بينى و بين مامتى و بابايا
حد يقوللى القسمة ازاي ؟

- ماما تاخذ لها تفاحتين
بابا ياخذ له كمان انتين
واللى هيفضل ليا انتين
هاخذ واحده
وادي التانيه لأختى حبيبتى

لوّن وارسم

يالا افتحو كراسة الرسم
هتلون مع بعض ونرسم
هتلون باللون الاخضر
- شجرة كبيره
ونلون ؟
- بالبنى فروعها
وهنرسم ؟
- من فوقها حمامه
تتلون ؟
- باللون الأبيض
تحت الشجرة ؟
- فيه بنوته
زى السكر
وصغنتوته و بصفرتين
واقفه و ماسكه ؟

- کوره جميله
بالفستان الحلو الأصفر
وكمات جمل الشجرة غراب
هنلونه ؟
- باللون الأسود
وفيه ع الشجرة دى تفاحتين ؟
- لونهم أحمر
أما الأزرق بيه هنلون ؟
- نهر كبير

تشرب منه الشجرة و تكبر
كده بقى عندنا لوحه جميله
مين فيكو شاطر و هيرسمها
ف اجمل منظر

ربنا فوق

ربنا فين فين فين ؟
- ربنا فوق فوق فوق

- عنده ملايكة وجنه ونار
فاتح جنته للشطار
أما النار لشیطان ملعون
مش بيحب البنى آدمين
ربنا فين
ربنا هو اللي بيرزقنا
وييهدينا طريق النور
وييشفيننا لو احنا تعبنا
ويثبت ف قلوبنا الدين
ربنا فين فين فين ؟
- ربنا فوق فوق فوق

- خلق الشمس وخلق القمره
خلى الشجره بتطرح ثمره
زين كل السما بنجوم
ورجم لنا بيها الشياطين
ربنا فين فينفين ؟
- ربنا فوق فوقفوق
- ربنا فوق على عرش كبير
اللى هيعمل صح يحبه
ويوديه الجنه الحلوه
وجنة ربنا للحلوين

سیدنا محمد

مین علمنا ازای نتصدق
ع المسکین ؟
— سیدنا محمد
مین علمنا ومین فهمنا آیات الدین ؟
— سیدنا محمد
مین علمنا ازای نتوضا خمس مرات
مین قال لینا نصلی ازای کل الصلوات
— سیدنا محمد
مین علمنا نخاف علی بعض
مین خلانا نسامح بعض
ونملا الکون والارض سلام
— سیدنا محمد
مین قال لینا نسمع کلمة

ستو و جدو وماما وبابا
مين كان قلبه
مليان حب ونور وطيابه
— سيدنا محمد —
مين قال لينا صومو وصلو
مين دعا لينا لما وصله
مين هيكون ف الآخره شفيعنا
ويدخلنا الجنه معاه
— سيدنا محمد —
مين علمنا نقول الحق
ومانكدبش ف مره عليه
مين اللى اما بنسمع اسمه

كل الناس بتصلى عليه

"صلى الله عليه وسلّم"

الكتكوت والبطه

كل ما بكبر يوم عن يوم
لازم ابص واشوف واتعلم
كل ما اعدى الشارع يوم
وقت ما اشوف الغلط اتكلم
كنت بعدى الشارع يوم
شوفت البطه مع الكتكوت
كانت البطه كبيره عجوزه
والكتكوت كان لسه شباب
الكتكوت كان ماسك ايدها
بيعديها بنفسه الشارع
بص شمال ويمين مالقاش
ولا عربيه ولا أتوبيس
قام عداها وراح وصلها
بسرعه بسرعه لحد البيت

~o.~

قش و قشة

قش وقشه وقش وقش
العصفوره بتبنى العش
عندها نونو وبيصوصو
عايز كل شويه المم
ماما تروح وتجيّب له القمح
يكبر حبه وبيصحصح
و ييوس إيدها ويحضن فيها
ويدعى يقول ربى يخليها
كبر النونو و بقى عصفور
كبر الريش وطلع له جناح
طلع الريش ألوان ألوان
طار طار
فوق فوق
واتعلم منها الطيران
بقى يلف ف كل الكون

لكن عمره ما فكر يوم
ينسى بأنه
هو ماما كانو زمان
قلب و قلب
وروح مع روح
و حبايب
و كتاب مفتوح
هى تجيب القمحه النونو
هو ياكلها هم يا هم

واما شويه وكبر النونو
راح جاب قشه وقش وقش
راح بنى عشه
جمب العش
علشان عارف
إن ده الصح
واما يحس بمامته جعانه
يجرى عشانها
يجيب القمح

الديب المسعور

فى ديب مسعور
وكان خايف
عشان شايف
تلات بقرات
سوى واخوات
والوانهم
بلون أبيض
ولون أحمر
ولون اصفر
وكان الديب
خايف منهم
لأحسن إنهم ياكلوه
فقال للبيضة والحمرا
تعالو ناكل الصفرا
ونبقى اتنين

عشان نفضل
سوى عايشين
وتبقى الغابه ديه لينا
لوحدينا
وهى كمان
ما بتحيش تساعدكم
وبتقول انكم وحشين
وبعدما صدقو الكدبه
قالو موافقين

وبعد يومين
جيه الكداب
وقال نفس الكلام اياه
مع الحمرا
وراحت فاتحه ليه الباب
وقالت له يا مرحبتين
وبرضو هاتفقو ع البيضه
وأكلوها فى غمضة عين
و مفضلشى غير الحمرا

لوحديها
فقال الديب لها هاكلك
ف قالت له
ده إنت أكلتني لما
وافقتك تاكل اخواتي

~٥٥~

~06~

بنت السلطان

كان فيه مره
وكان يا ماكان
كان فيه واد
وفقير غلبان
جمب السور بيعديوماتي
نفسه يشوف بنت السلطان
كان بيعدي عليها يشوفها
وهيتلعب جوا القصر
مره يعدى عليها الصبح
مره يعدى عليها العصر
وكانت لما تشوفو بتطلع
تجرى بسرعه
عليه وتجيّب له
ورده جميله من البستان
حرس القصر شافوه وقالوله

إبعد يلا بسرعه يا شاطر
أحسن ناخذك ع السجن
قام راح ماشى
وقال لحبيته
أنا راح اجيالك اول ما اكبر
عقد المرمر
وهجيب لك لولى ومرجان
وعشان كان بيحب حبيته
وعايز يوصل ليها ويقدر

حاول اكرر
علشان يكبر
و راح بقى حوش
من مصروفه
وملا علشانها
كمان حصته
وذاكر كل دروسه وحاجته
واما كبر
قام راح وخطبها

وجالها وراكب أحلى حصان
واتجوزها وحقق حلمه
وعاشو كمان
فى تبات ونبات
وكمان خلف
منها برضوه
ست بنات وسبع صبيان

~7.~

النملة النمولة

صف وصف وصف وصف
كل النمل ييمشفي صف
كان فيه نملة اسمها نمولة
ماما اديتلها حنة فوله
وقالت لها أوعى يا نمولة
إنك يوم تخرجى م الصف
واول لما
شافت حبت سكر راحت
ساييه طابور النمل وجريت
أول لما
وقع السكر من ع الرف
كل النمل بسرعه ييمشى
رايح جاى جوات البيت
لكن هي

طلعت تجرى على الفتافيت
كان فيه راجل جاى يدوسها
قامت خايفه احسن يلمسها
وحبه و لقت القطه بتجرى
وشبكه إديها ف بكرة خيط
قامت نطة على السجاده
وكمات خبت روحها زياده
و حبه ونامت جنب الحيط
واما مامتها جات ولقيتها
قعدت حبه تعيط ليها

وتقول أه يا خواتى و يانى
وقالت لها انا اسفه يا ماما
أنا مش هعمل كده انا تانى

إحنا فريق

إحنا فريق
وانتو فريق
نخسر نكسب
نفرح نغضب
نفضل طول العمر اخوات
بيننا طريق
بينكو طريق
نجرى ونلعب
واما بنتعب
مش بنحس عشان اخوات
إحنا فريق الكوره الذهبى
هنوريكم معنى اللعب
اتفرجو على فنى ولعبى
بس بكل تراضى وحب
شوط شوط

إلعب مرر دخل جون
طلع من جواك الصوت
واملا بضحكك كل الكون
جبنا الجون الأول فيكو
بحماده وسموره وزيكو
كل كلامنا موجه ليكو
إحنا لاعيبه ولا الخوجات
إحنا فريق الكوره الفضى
فينا اللعيه الحريفه

نخطف كوره ومنكو نعدي
و ياما اتحيلو علينا الفيفا
أول جون بنجيو معاكو
بمحمد و كريم وحماده
لازم تعرفو مين و ياكو
إحنا لاعيبه ولا الخوجات

الأرنب والعجلة

كل ما بكبر يوم عن يوم
لازم ابص واشوف واتعلم
كل ما اعدى الشارع يوم
وقت ما اشوف الغلط اتكلم
كنت بعدى الشارع يوم
شوفت الأرنب راكب عجله
ماشى بسرعه وكان ب الليل
وكان فيه طوبه
ف نص الشارع
حب يهدي لكن معرفش
قام متشنكل فيها و واقع
علشان شافها وهو معدي
وماشلهاش من نص الشارع

~77~

الأرنوب الشقي

أرنوب عمال
يجرى و يلعب
و بيتنطط
كده ع الفاضى
مره بيحلم
إنه ييضرب
مره يفكر نفسه
القاضى
فاكر نفسه
شجيع السيمما
يعمل مره
شنب بريمه
كل شويه
يعيد المنظر
عامل نفسه

الرجل الأخضر
واما بيلبس
وبيتغندر
بتشوفو تقول
أرنب قيمه
يعمل مره ظابط
وشاويش
يدى لكل الناس
بقشيش
واما يشوف
واحد بيخرب
يجرى بسرعه
يمسك مضرب
بعد ما يضرب فيه
ويكسر
بيطلع ياكل قراقيش
نفسه يكون
زى العصافير
و يركب جناحات ويطير

نفسه يطول السما
بإديه
تحضن نور الشمس
عنيه
تيجى سحابه
تغمى عنيه

وتقرص فيه الدبابير!!

~Y.~

النونو السكر

جالكم نونو و بيقول واء
زى البدر جميل فى سماه
نرفع إيدنا وندعى الله
نحمد رب كريم فى علاه
مين راح يدى النونو السكر
— أنا هديله يا بابا البوسه
بس استنى فى ودنه نكبر
— هو ده واد بقى ولا عروسه؟
مش راح اقولك
— قوللى يا بابا
طب على مهلك
— ماشى ابابا
بابا يا بابا النونو جعانه
ممکن اروح و أجيب لها مم
حاسه كمان انها حرانه

مع إنها لبسه لنا بكم
— فين ده يا بنتى
بص يا بابا
— أنا مش شايف
ماشى يا بابا
بابا النونو بتضحك ليا
وكمات بتشاور بإديها
حسه انها راح تبقى عنيه
وحبه به حبه انا هلع ببيها

— لأ مش ينفع
لأ أنا هلع
— مش راح تلعب
ماشى يا بابا

سمسم

كان فيه واد و اسمہ سمسم
كان بيحب يلون يرسم
ماما جابت له اجمل كراسه
لكن كان
نفسه ف مصاصه
عيط حبه
و بعد شوپه
قام ورسمها
واما رسمها
طلعت حلوه
أكلها مم

~۷۴~

الشاعر فى سطور

الإسم : أحمد رمضان أحمد سعيد الخطيب
الشهره : أحمد الخطيب
صدر له ديوان / يا انا يا الفوضى عن دار روعة
للطبوع والنشر والتوزيع

للتواصل

ahmedrmd@hotmail.com

www.facebook.com/ahmedrmd

www.youtube.com/ahmedrmd

~۷۶~

الكتكوت الحلو الشاطر

٥	الإهداء.....
٧	جدو يا جدو.....
٩	الكتكوت الحلو الشاطر.....
١١	نم نم.....
١٥	القطّة والفار.....
١٧	جدو رؤوف.....
١٩	الفلاح الراجل الطيب.....
٢١	قرد قرودى.....
٢٣	عمو الفيل القاضى.....
٢٥	بابا أوبح.....
٢٧	تعلم تعلمب التعاليبي.....
٢٩	دبدوب.....
٣١	خروف يا خروف.....
٣٣	ويكا.....

٣٥.....	الأراجوز الكداب
٣٩.....	فول مدشوش
٤١.....	كام تفاحة
٤٣.....	لّون وارسم
٤٥.....	رينا فوق
٤٧.....	سيدنا محمد
٤٩.....	الكتكوت والبطة
٥١.....	قش و قشة
٥٣.....	الديب المسعور
٥٧.....	بنت السلطان
٦١.....	النملة النملة
٦٣.....	إحنا فريق
٦٥.....	الأرنب والعجلة
٦٧.....	الأرنوب الشقي
٧١.....	النونو السكر
٧٣.....	سمسم

~۷۹~

~^~